

Oqaluuserisassanut nassuiaat
(Inatsisartut Siulittaasuat)

Immikkoortoq 27-p aappassaaneerneqarnissaata ulloq 10. novembarimut kinguartinneqarnissaa Sanaartornermut Ataatsimiititaliap qinnutigaa.

Immikkoortoq 27: Nunap immikkoortuini mittarfinnik tulleriiaarinissamut tunngavissat pillugit Inatsisartut aalajangiiffigisassaattut siunnersuut.

Immikkoortut 188-ip, 186-ip, 184-ip aamma 29-p aappassaaneerneqarnissaasa 19. novembarimut kinguartinneqarnissaat Inatsisinut Ataatsimiititaliap qinnutigaa.

Immikkoortoq 188: Kalaallit Nunaanni Eqqartuussisarnermik inatsisip inatsisillu allat assigiinngitsut allanngortinneqarnissaannut inatsisissatut siunnersuummut missingiut pillugu (Politiit pillugit aaqqissuusseqqinnermik, politiinik naammagittaalliuutiginnissinnaanermik aaqqissuusinnermik pilersitsinnermik il.il. naammassinnineq) Namminersorlutik Oqartussat akuersinissat pillugu Inatsisartut aalajangiiffigisassaattut siunnersuut.

Immikkoortoq 186: Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanerannik pitsanngorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernerannik peqqussummut missingiut pillugit Inatsisartut aalajangiiffigisassaattut siunnersuut.

Immikkoortoq 184: Politiit atuuffiat pillugu inatsisip Kalaallit Nunaannut atuutilernissaanut peqqussutissatut missingiummut Namminersorlutik Oqartussat akuersinissat pillugu Inatsisartut aalajangiiffigisassaattut siunnersuut.

Immikkoortoq 29: Kalaallit Nunaanni ikiaroorartumik aanngajaarniutinillu pinerluttoqartarnera akiorniarlugu annertusisamik iliuuseqarnissaq, nunatsinni politiit amerlineqarnissat aammalu suliaasaqarfimmut tassunga amerlanerusunik aningaasaliisoqarnissaq anguniarlugu Naalakkersuisut Naalagaaffiup oqartussaasuinut saaffiginneqqullugit peqquneqarnissaannik Inatsisartut aaliangiiffigisassaattut siunnersuut.

Immikkoortoq 86 maanna ulloq 19. november siullermiigassanngortinneqarpoq aammalu UKIU21-mi ulloq 25. februar aappassaaniigassanngortinneqarluni, taannalu tassa: Meeqqat atuarianni ilinniartitsisut sulisullu allat tapersersuilluni oqaloqatigineqartarnissamik neqeroorfigineqartalernissaannut periarfissanik aamma aningaasatigut allaffissornikkullu kingunissaanik paasinartitsilersussamik nassuiaammik saqqummiinnissamik Naalakkersuisut peqquneqarnissaannik Inatsisartut

aalajangiiffigisassaattut siunnersuut. Neqeroorutit imatut aaqqissuunneqassapput tapersersuilluni oqaloqatiginninnerit sakkortuumik pisoqarnerata misigisaqartoqarnerataluunniit kingorna tarnikkut ikiueqqaarnerusunngorlugit aammalu psykologimi katsorsaasumiluunniit allami piffissami sivirusumi tapersersuilluni oqaloqatiginnittarnerussapput. Tapersersuilluni oqaloqatigineqarnissamik neqeroorutit aamma oqaloqatigiilluni peqqissaasarnerussapput, siunnersuisarnerussapput il.il.

2021-mi aningaasanut inatsisissatut siunnersuutip aappassaaneerineqarnissaata kinguardeqqinneqarnissaa Aningaasaqarnermut Akileraartarnermullu Ataatsimiititaliap qinnutigaa. Immikkoortoq ulloq 6. November aappassaaneerineqartussaagaluarpoq. Ulloq suliarineqarnissaa nutaaq kingusinnerusukkut nalunaarutigineqassaaq.

Immikkoortoq 19-ip aappassaaneerineqarnissaata kinguartinneqarnissaa Aningaasaqarnermut Akileraartarnermullu Ataatsimiititaliap qinnutigaa, taannalu tassa: Uunga siunnersuut: Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaata allannngortinneqarnissaa pillugu Inatsisartut inatsisaat nr. xx, xx. xxx 2020-meersoq. Immikkoortoq ulloq 17. november aappassaaneerineqassaaq ullorlu 25. november pingajussaaneerineqassalluni.

Siverth K. Heilmannip sulinnngiffeqarallarnerani sinniisussamik aggersaasoqarnissaa Atassutip qinnutiginiuuuaa. Bentiaraq Ottosen Siverth K. Heilmannip najuutinnngikkallarnerani aggersarneqarpoq.

Bentiaraq Ottosenip qinigaasinnaanera Qinigaanerup Misilinneqarnissaanut Ataatsimiititaliap akuersissutigaa. Akerliusoqarpa?

Bentiaraq Ottosen suli mattusimagallarpoq ataatsimiinnermilu najuutissanani taasisarnerillu pillugit isumaqatigiissuteqarsinnaalluni.

Sila pissutigalugu ullumi ataatsimiinneq immikkoortut 190-ip aamma 18-ip taasissutigineqareerneranni naammassissaaq. Immikkoortut ullumi siullermeerneqartussaagaluit tallimannngornermut nuunneqarput. Apeqquteqaat aallaavigalugu oqallisissiat ullumi oqaluuserineqartussaagaluit ulloq 10. novemberimut nuunneqarput. Oqaluuserisassat iluarsineqarput.

Ilaasortat uku akornanni taasisarnerit pillugit isumaqatigiissuteqartoqarpoq:

Sofia Geisler, Inuit Ataqatigiit aamma Doris J. Jensen, Siumut

Tillie Martinussen, Suleqatigiissitsisut aamma Kim Kielsen, Siumut